

Հ. Մարտիրոսյան, Հ. Մճաջականյան

ՆՈՐ-ԱՐԵՇԻ ՈՒՐԱՐՏԱԿԱՆ ԿՈՆՈՒՄԲԱՐԻՆ

1957 թ. հուլիսի սկզբին, Երևան քաղաքի հարավային ծայրամասի Նոր-Արեշ ավանում անցկացվող հողային աշխատանքների ժամանակ հայտնաբերվեց ուրարտական ժամանակաշրջանի սքանչելի հուշարձաններից մեկը։ Նորահայտ հուշարձանը գտնվում է «Լենուդի» կոլտնտեսության ֆերմաների ու այգիների գերեզմանատան միջև և ներկայացնում է իրենից ցածրիկ ձվաձև մի բլուր, որի արևելյան մասում գտնվում է հիշյալ գերեզմանատունը։

Աշխատանքներն սկսելու պահին բլուրի արևմտյան մասը փորված էր ավելի քան մեկ մետր խորությամբ և հարթված որպես կոլտնտեսության կալատեղ։ Գրեյդերները հսկայական ուժով հողի մակերես էին նետել աճյունասափորների և այլ ամանների խեցիներ, առանձին բրոնզե ապարանջաններ և նույնիսկ ամբողջական կարմիր անգորգապատ ամանիկներ։ Տեղ-տեղ, հողի մնացած բարակ շերտի տակից երևում էին բլուրի հիմքում ընկած տուֆային շերտերի մերկացած մասերը, իսկ որոշ տեղերում նկատվում էին փոքր օվալաձև բծեր աճյունի և մոխրի հետքերով։ Դրանք մեքենաների կողմից ավերված հնագույն թաղումների մնացորդներ էին։

Տեղանքի և նյութական կոլտուրայի մնացորդների ուսումնասիրությունը ցույց տվեց, որ նորահայտ հուշարձանը կարող է լինել ն. մ. թ. 1-ին հազարամյակի 1-ին քառորդի ուրարտական կոլումբարի (դամբարանադաշտ), որտեղ թաղումը սովորաբար կատարվում էր ժայռերի ձեղքերում՝ հանգուցյալի աճյունը պարունակող կավե սափորների մեջ¹։

Երեք, մասնակիորեն պահպանված դամբարանները մաքրելուց հետո այդ ևնթադրությունը հաստատվեց։

Առաջին թաղումը պարունակում էր երկու սափոր, շրջապատված մանր քարերով։ Սև, փայլեցրած մեծ կճուճի մեջ գտնվեցին հսկայական քանակությամբ ուրարտական տիպի առաջնակարգ բրոնզե իրեր, իսկ կարմիր անգորգապատ սափորում՝ հանգուցյալի աճյունը։

Երկրորդ թաղումից պահպանվել էին կարմիր անգորգապատ աճյունասափորի ֆրագմենտներ և նրանց կողքին՝ բրոնզե իրեր։ Նույն տեղում կային մանր քարեր և դեղնավուն տուֆի մշակված մի կտոր, որը ժամանակին զրկված է եղել աճյունասափորի բերանին։

Երրորդ համարյա հիմնովին ավերված դամբարանն ունի մի ուղազրավ դետալ՝ տափակ տուֆի մի փոքր սալաքար, որի կենտրոնում եղած փոսի մեջ պահպանվել էր ուրարտական տիպի կարմիր անգորգապատ սափորիկի հատակը։ Շուրջը փռված էին մասամբ կավով ծեփված մանր քարեր։

Այսպիսով, Նոր-Արեշի ուրարտական կոլումբարիի դամբարաններն իրենցից ներկայացնում են հանգուցյալի աճյունը պարունակող, ուրարտական տի-

¹ Տե՛ս Ե. Ա. Կուֆтин, Урартский колумбарий у подошвы Апарата и Куро-Аракский энеолит, Вестн. Гос. муз. Грузин. т. XIII-В, Тбилиси, 1943, էջ 381։

պի կարմիր կավե սափորներ և տեղական արտադրության կավե ամաններ, որոնք պարունակում էին դամբարանային իրեր: Այս սափորները ղրվում էին փոսերի մեջ, որոնք, որպես կանոն, երեսպատվում էին մանր քարերով, բացի այդ, աճյունասափորները ծածկվում էին տուֆե սալաքարերով:

Ակնհայտ է, որ վերը նկարագրված թաղումները ընդհանուր ոչինչ չունեն քարակղզյա այն դամբարանների հետ, որոնք տարածված են Հայկական ՍՍՌ-ի տերիտորիայի վրա և պատկանելիս են եղել տեղաբնիկներին: Նրանք տարբերվում են վերջիններից ոչ միայն կոնստրուկտիվ տվյալներով ու ինվենտարով, այլև թաղման արարողությամբ: Միաժամանակ, նրանք միանգամայն համապատասխանում են Մալաթլուի ուրարտական դամբարանադաշտի թաղումներին սոսկ այն տարբերությամբ, որ առաջինների համար օգտագործված էին ժայռերի ճեղքերը և գետնի բնական փոսերը, իսկ երկրորդները փորված էին հողի մեջ:

Նշված թաղումների համար հավասարապես հատկանշական են դիակիդումը, աճյունի առկայությունը կարմիր անգոբապատ սափորներում, որոնք երբեմն գտնվում են տեղական արտադրության սափորների կողքին, ինչպես նաև ուրարտական արտադրության համար չափազանց բնորոշ նյութական կուլտուրայի հուշարձանները:

Նոր-Արեշի ուրարտական կոլումբարից արևելք, երկու-երեք կիլոմետր հեռավորության վրա գտնվում է էրեբունի ուրարտական հայտնի ամրոցը, ուր գտնված է արդեն վեց սեպագիր արձանագրություն, փորագրված VIII դ. (ն. մ. թ.) ուրարտական Արգիշտի՝ Մենուայի որդի (786—764) և Սարգուրի՝ Արգիշտիի որդի (764—735) թագավորների անունից:

Նշված հուշարձանների ուրարտական ծագումը, նրանց միջև եղած աննշան հեռավորությունը, մոտակայքում ուրարտական այլ ամրոցների բացակայությունը, ինչպես նաև նրանց սինխրոնությունը, որը սահմանվում է մի կողմից՝ սեպագիր արձանագրությունների, մյուս կողմից՝ վերոհիշյալ երկու հարուստ դամբարանների պեղման շնորհիվ հայտնաբերված նյութական կուլտուրայի հուշարձանների անալիզի օգնությամբ, համոզում են մեզ նրանում, որ ուրարտական ամրոցն ու Նոր-Արեշի դամբարանադաշտը հնագիտական միևնույն հուշարձանի մասերն են:

Վերը մենք նշեցինք, որ Նոր-Արեշի առաջին դամբարանում կարմիր անգոբապատ սափորի կողքին կար նաև սև փայլեցրած կճուճ՝ ուրարտական արտադրության բրոնզե իրերով լցված:

Այդ կճուճից հանվել են՝ 12 կողավոր և հարթ ապարանջաններ՝ զոոմորֆ գլխիկներով, նախշված բրոնզե վզնոց, բրոնզե նուրբ ունելի, զոոմորֆ ձևավորումով դայլիկոնած զնդասեղ, կենտրոնական անցք ունեցող մուրճաձև առարկաներ՝ մասսիվ շիգղեր, ինչ որ առարկայի բարակ զալարուն ունկ, երկսթյա քառանիստ փոքր նետասլաք, ուրարտական կնիքներ, բազմատեսակ հուլունքներ՝ ագատից, սարգիրից և պաստայից, ինչ որ բրոնզե առարկայի ճզմված, մեկը մյուսին կպած թերթեր:

Բոլոր այս առարկաները կրում էին կրակի ուժեղ ներգործության հետքեր, իսկ հուլունքները բոլորովին կորցրել էին իրենց սովորական փայլը: Դատելով շրջապատից՝ դիակիդումը կատարվել է հենց տեղում, իսկ տվյալ գերեզմանում գտնվել է ուրարտական մի ազդեցիկ աստիճանավորի աճյունը: Այդ մա-

սին են վկայում վերը թվարկված, իրենց սեփականատիրոջ հետ միասին թաղված, իրերի քանակը և պատրաստման բարձր որակն ու ճաշակը:

Նա ունեցել է հրաշալի արդ ու զարդ: Սինաքերի, Սարգոն, Աշտուրբանիպալ և այդ դարաշրջանի մյուս թագավորների բարձրաքանդակների վրա ներկայացված ասուրական բարձրաստիճան պաշտոնավորների նման նա կրել է ձեռքերին և արմունկներից վեր օձագլուխ և այլ ձևերի ապարանջաններ: Նրա վիզը զարդարված է եղել կիսաթանկագին քարերից պատրաստված զանազան ձևի ու գույնի հուլունքներից կազմված մանյակով և փայլուն վզնոցով, կրծքին կրել է մի մասսիվ կրծքասեղ, իսկ մեջքին՝ գեղեցիկ բրոնզե գոտի: Նուրբ պատկերներով: Հոնքերը նա սարքելիս է եղել ունելիով, հագուստները, ըստ երևույթին, ունեցել են զմայլելի նախշեր և գործված են եղել թանկարժեք թելերից, իսկ նրան պատկանած բրոնզե կնիքներով մի ժամանակ կնքվել են գուցե էրերունի ամրոցի հարուստ ամբարները:

Ինչպես տեսնում ենք, այս գերեզմանում գտնված իրերի հիման վրա բավական հեշտ է վերականգնել ուրարտական բարձրաստիճան պաշտոնյաների արտաքին տեսքը: Նրանք աշխատել են ետ չմնալ ասուրական կոլեզաններից ոչ իրենց կատարված գործերով, ոչ էլ զգեստների ու զարդարանքի շքեղությամբ:

Այս իրերի նշանակությունը, սակայն, չի սպասվում նրանց կրողների արտաքին տեսքի վերականգնմամբ: Նրանց ուսումնասիրությունը հնարավորություն է ընձեռում որոշելու ժամանակաշրջանը և պարզելու Հին Արևելքի ու Կովկասի տարրեր շրջանների միջև եղած կուլտուրական փոխհարաբերությունները: Հետաքրքրական է, օրինակ, որ այստեղ, ուրարտական ինվենտարի մեջ առաջին անգամ հանդիպում են աղեղնաձև շիզդեր խիստ ուռցված միջին մասով: Իայն ասեղնակալով, վահանիկներով և թռչունների փոքր ֆիգուրներով, որոնք տեղավորված են աղեղի ուղիղ կենտրոնում (նկ. № 1): Այս իրերը պատկանում են ն. մ. թ.՝ VIII դարում արտադրված հին կորանյան շիզդերի տիպին: Հին Կորանի շիզդերից մեկը (МАК, вып. VII, нк. 53) ամենից ավելի է համապատասխանում նորարեշյան նմուշներին: Նրա ուռցիկ աղեղն ունի վահանիկներ և նրանց վրա, ինչպես և աղեղի կենտրոնում, ձուլված են խոյի գլուխներ: Սակայն Նոր-Արեշի թաղումից գտնված շիզդերը տարբերվում են վերը նշվածից ներքին պարույրի, ասեղնակալի կառուցվածքով և թռչունների ֆիգուրներով: Մեզ թվում է, որ Նոր-Արեշի դամբարանադաշտի ուրարտական վարպետների կողմից հին կորանյանների օրինակով պատրաստ-



Նկ. 1. Բրոնզյա շիզդեր
№ 1 դամբարանից:

¹ Е. П. Артамонова-Полтазцева, Позднекобанская, культура центрального Кавказа, Уч. записки ЛГУ, сер. исторических наук, вып. 13, стр. 191.
Տեղեկագիր 10-8

ված այս շիզոֆրենիայի հաստատում են կորանյան բրոնզների հնագույն խումբը ն. մ. թ. VIII դարին վերագրելու իրավացիությունը:


Կովկասյան տիպի իրերի թվին են պատկանում նաև կիսագնդաձև բրոնզե կոճակները, մուրճիկաձև առարկաները, պաստայե հուլունքներից մի քանիսը և մի ամբողջ շարան մանր սարդիոնե հուլունքներ՝ գնդաձև, սկավառակաձև ու ձվաձև, երկկողմանի անցքով և ոչ այնքան լավ հղկվածքով: Հավանական է, որ մոտ ապագայում հնարավորություն կստեղծվի որոշելու նաև մյուս՝ լավ հղկված, ագատե և սարդիոնե հուլունքների պատրաստման վայրը. սրանք ունեն գնդի, շեղանկյան, տակառիկի, գլանի ձև, նրանց անցքերը փորված են շտիֆտով միայն մի կողմից: Առաջին դամբարանում հայտնաբերված մյուս բոլոր առարկաները պատկանում են ուրարտական կուլտուրային և համապատասխանաբար իրենց անալոգիաներն ունեն ուրարտական ամրոցների պեղման միջոցով ձեռք բերված նյութերի կոմպլեքսներում և Հին Արևելքի հուշարձանների մեջ: Դրանցից ուշագրություն արժանի են՝ ծայրերին երկու կանթ ունեցող բրոնզե կիսալուսնաձև վզնոցը ուրարտական մետաղյա առարկաներին բնորոշ զիզագաձև և ուռուցիկ-կետավոր օրնամենտացիայով (աղ. № 1), մոմե ժողելով ձուլված բրոնզե գնդասեղը, որն ունի մի անցք գլխիկի հիմքի մոտ, հորիզոնական կտրվածքներ և ավարտվում է թռչունների շորս ֆիգուրներով և շատ հիշեցնում է Թեյշեբաինի¹ քաղաքի միջնաբերդից գտնված արծաթե գնդասեղը (աղ. № 2), կողավոր մակերեսով օձագլուխ ստանդարտ ապարանջանները, որոնց մեջ աչքի են ընկնում երկու հարթ ապարանջան օձերի մասսիվ գլուխներով: Նրանց վրա հստակորեն դուրս են թերված աչքերը, հոնքավերևի աղեղները, ծնոտները և մյուս գետալները: Արմունկային ապարանջաններից մեկը ծայրերից զարդարված է խոյերի գլխիկներով (աղ. № 2): Առանձին հետաքրքրություն են ներկայացնում բրոնզե ձուլածո կնիքները, որոնք լրացուցիչ մշակման են ենթարկված հղկիչով, հատիչով և մուրճով: Նրանցից առաջինն իրենից ներկայացնում է ձիու գլխիկ՝ հիմնական գետալների ուրարտական արվեստին բնորոշ մեկնաբանմամբ: Խեք կամ ուղղահայաց նախշագծերով երիզված փոքր ինչ բարձր թաշն ու մազափունջը զատվում են դնչից, որի վրա ռելիեֆ կերպով տրված են այտերը, ծնոտները, աչքերն ու ուռնգերը: Բաշի հետևում կա օղակ՝ կախելու համար, սա կպած է կնիքի ներքին հարթությանը, որի վրա պատկերված են մի շարքով դասավորված երեք անգղ (աղ. № 1):

Թեև ուրարտական մետաղագործները և քարագործ վարպետները աչքի էին ընկնում փորագրման, ձուլման և քանդակման միջոցով կենդանիներ պատկերելու գործում, այնուհանդերձ, ուրարտական կիրառական սուլվեստի հուշարձանների մեջ զուգորդվում են կնիքներ շատ քիչ են հանդիպում: Ցուլիկ պատկերող մի քարե կնիք գտնվել է Հայկական ՍՍՌ Թալիսի շրջանի Հակկո² գյուղի ուրարտական ժամանակաշրջանի դամբարանից, երկու փոքր ֆիգուր գտնվել են Կարմիր-բլուրում³, իսկ վերը ներկայացված նորարեշյան կնիքը և զալի է իր տեսակի մեջ: Անհրաժեշտ է նշել, որ մինչև նորարեշյան բրոնզե կնիքների հայտնաբերումը հայտնի է եղել միայն մեկ այլունաձև բրոնզե կնիք (Հայկա-


¹ Б. Б. Пуотровский, Кармир-блур, III, стр. 18, рис. 12.

² Նույն տեղում, II, էջ 23:

³ Նույն տեղում, III, էջ 85, նկ. 17:



Աղյուսակ № 1. Առաջին դարձրանում հայանաբերված բրոնզյա իրեր:



Աղյուսակ № 2. Ուրարտիական տիպի բրոնզյա ապարանջաններ և զնդասեղ:

կան ՍՍՌ ԳԱ Պետական Պատմական թանգարան. ինվ. 20 (105), որի կողային հարթությունների վրա պատկերված են ձիու և թռչունի ոճավորված ֆիգուրներ, իսկ ստորին հարթության վրա նկատվում են սրբազան ծառի հազիվ պահպանված հետքեր:

Երկրորդ՝ կնիքը տարբերվում է կշռաքարի ձև ունեցող քարե կնիքներից (որոնք հսկայական քանակությամբ ներկայացված են Կարմիր-բլուրի միջնաբերդում) միայն վերին մասում՝ վնասված բռնակից ներքև, դասավորված հոթիզոնական զծերով (աղ. № 1), նրա ստորին հարթության վրա պատկեր-

ված է մի ամբողջ կրոնական տեսարան, որը հիշեցնում է Արմավիրի¹ ոսկե և Կարմիր-բլուրի² արծաթե մեդալյոնների սյուժեները, այն տարբերությամբ միայն, որ այստեղ այր աստվածության փոխարեն պատկերված է գահի վրա նստած կանացի աստվածություն, որի ձախ ձեռքում ճյուղ կա կարծես: Նրա դիմաց, զոհասեղանի այն կողմը ներկայացված է տղամարդու կանգնած ֆիգուրա վեր պարզած թևով: Զոհասեղանից վեր գտնվում է շրջանաձև մի առարկա, որն ըստ երևույթին, արևի խորհրդանիշն է: Միանգամայն հնարավոր է, որ այս կնիքի վրա պատկերված է մայր աստվածուհին, արգասավորության խորհրդանշան հանդիսացող ճյուղը ձեռքին: Որոշ ամբարների դռների վրա կնիքների այսպիսի բովանդակությամբ դրոշմվածքը միանգամայն կհամապատասխաներ էրբուրուի քաղաքի պալատական հարուստ ամբարների կոշմանը, սրունք սեպագիր արձանագրություններում անվանված են շտեմարաններ (Ari):

Հայկական ՍՍՌ ԳԱ Պետական Պատմական թանգարանի ռեստավրատոր Վ. Պազազյանին հաջողվեց փրկել և վերականգնել ուրարտական կիրառական արվեստի հրաշալի հուշարձաններից մեկը՝ հարուստ պատկերներով բրոնզե գոտին: Փանի որ նույնատիպ գոտու ֆրագմենտներ հայտնաբերվել են նաև կոլումբարիի երկրորդ դամբարանում, ապա գերադասելի է ուսումնասիրել դրանք համատեղ:


Նորարեշյան կոլումբարիի երկրորդ դամբարանը աչքի է ընկնում իրերի սակավաթվությամբ և, այնտեղից հայտնաբերված իրերից դատելով, պատկանել է ուրարտական ռազմիկի: Նրա մեջ հայտնաբերվել են՝ օձագլուխ բրոնզե ապարանջան, ճգմված բրոնզե թաս (աղ. № 3), ինչ որ չպահպանված առարկայի հանգուցանման ֆրագմենտ, ուրարտական տիպի երկաթյա կեռ դանակի կոթ, տերևաձև գեղարդ ունեցող (աղ. № 3) նիզակի հսկայական ծայրապանակ և շարժական բերանոցներով բրոնզե սանձեր (աղ. № 3), որոնք ունեն կենտրոնական և կողային անցքեր, իսկ արտաքին կողմից՝ դուրս ցցված ծայրեր: Կողային անցքերն արված են այտային թուկերի համար, իսկ կենտրոնականը՝ սանձի: Բերանոցների և սանձի ծայրերը զարդարված են ոլորուն կտրվածքներով, վահանիկներով և գմբեթաձև գլխիկներով: Նույնատիպ բրոնզե սանձ է հայտնաբերվել Թեյշեբահինի քաղաքի միջնաբերդի շինություններից մեկում, 1957 թ. պեղումների ժամանակ: Այդպիսիք երբեմն պատկերվել են ասուրական բարձրաքանդակների վրա³: Կարմիր-բլուրի իրերի մեջ իրենց բազմաթիվ անալոգիաներն ունեն Նոր-Արեշի ուրարտական դամբարանադաշտի մարտիկի դերեզմանի նաև մյուս առարկաները:

Այս ամենից բացի, նշված դամբարանում գտնվել է խիստ այրված և ջարդոտված բրոնզե գոտի: Նրա ռեստավրացիայից հետո պարզ դարձավ, որ այն հանդիսանում է ուրարտական կուլտուրայի առաջնակարգ հուշարձան, որի վրա առաջին անգամ պատկերված է թագավորական որսի տեսարան հեծյալների և մարտակառքերի մասնակցությամբ: Պահպանվել են հինգ հորիզոնական շերտերի մնացորդներ, ուր քանդակադրոշմված են թեթև տիպի մարտակառքեր երկուական զինվորով և առանձին հեծյալներ, որոնք հետապնդում են գլխից, փորից կամ մեջքից նետահարված վիրավոր առյուծների ու ցուլերի: Նետերի

¹ Lehmann-Haupt, Armenien einst und jetzt.

² Б. Б. Пуомповский, Кармир-блур, III, рис. 14.

³ G. Perrot, Chipiez, Histoire de l'Art, II, 1884, Paris.



Աղյուսակ № 3. № 3 դամբարանում հայտնաբերված զրոնդյա իջեր

ցցված կոթերն ունեն ընդող փետրավորում: Դոտու բոլոր ֆիգուրները արտահայտում են սրընթաց շարժում և գործողություն: Հեծյալներն ու մարտականքերը սլանում են քառատրոփ, ուղիղ շարքերով: Նույնպիսի արագության փախչում կամ նրանց վրա են հարձակվում զազանները: Մարտականքի ռազմիկներից մեկը վարում է ձիերին: Նրա ձեռքերում երեք զույգ սանձ կա: Մյուսը ձգում է աղեղի լարը, և նետի ծայրն ուղղում մարտականքի վրա հարձակվող առյուծի երախը: Մյուս ֆրագմենտների վրա ներկայացված են արյունաշղախ և զազազած առյուծներ, որոնք ջանում են թաթով բռնել մարտականքը և զգալով հեծյալի հարձակումը, սպառնում են կիսաշրջված գլխով և կատաղի մոռնչյունով (նկ. № 2), նման տեսարաններ պատկերված են ասուրական պալատների սքանչելի բարձրաքանդակների վրա: Բրիտանական թանգարանի կոլուն-ֆիկյան բարձրաքանդակներից մեկը կրկնում է այս տեսարանը համարյա բո-



Նկ. 2. № 2 դամբարանում հայտնաբերված դոտու ֆրագմենտներ:


լոր մանրամասնություններով (նկ. № 3): Նրա վրա պատկերված է ասուրական ծանր մարտականք երեք զինվորներով և հարձակվող մի առյուծ, որի վրա Նշան են բռնում աղեղնավորն ու նիզակակիրը¹: Բրիտանական թանգարանի մի այլ բարձրաքանդակի վրա պատկերված է արքայական մարտականք, որի թափքի վրա գտնվում է ինքը՝ Աշուրբանիպալը, երեք զինվորների հետ: Նրանցից երկուսը նիզակներով խոցում են հարձակվող զազանին²:

Ուսումնասիրվող դոտու վրա պատկերված մարտականքերը չեն տարբերվում նրանցից, որոնք դրոշմված են Թեյշեբահինի միջնաբերդից գտնված, ն. մ. թ. VIII դ. ուրարտական թագավորների³ արձանագրություններ ունեցող լրոնդե սաղավարտների ու կապարճների վրա և տիպոլոգիապես մոտենում են VIII—VII դդ. ասուրական մարտականքերին: Նրանք ունեն թեթևացրած թափք կամ ճաղավոր պատերով՝ վերին մասում նուրբ քանդակներով ծածկված, ուռուցիկ աղեղ և ութ ճաղային անիվներ: Մարտականքերի վրա գտնվող զինվորներն ու հեծյալներն ունեն սրածայր սաղավարտներ, նման Գարմիր-լուրի պեղումների ժամանակ քանիցս գտնված սաղավարտներին: Զինվորներից ոմանք ունեն երկար զանգուր մազեր, բայց, ի տարբերություն Սարգուրիի սաղավարտի վրա պատկերվածների, մորուք չունեն: Զինվորների, աղեղնավորների և հեծյալ զինվորների հագուստները տարբեր են: Հեծյալներն ունեն երկար զգեստներ, զինված են նիզակներով, բայց վահաններ չունեն. աղեղնավորները, որպես կանոն, կրում են լայն գոտիներ, իսկ հեծյալների հագուստն աղատորեն իջնում է ցած:

¹ G. R. Perrot, Ch. Cl. piez, նշվ. աշխ., էջ 277, նկ. 112:

² Նույն տեղում, էջ 603, նկ. 331:

³ Б. Б. Пуотровский, Кармир-блур, III, 63 и сл.



Նկ. 3. Բրիտանական թանգարանի ասուրական բարձրաքանդակներից մեկը


Մարտականքերին լծված ձիերը և հեծյալների ձիերն ունեն թեթև լծասարք և ծածկոցներ մետաղե զարդարանքներով, նման պեղումների ժամանակ Կաթմիր-ըլուրում հայտնաբերվածներին: Նրանց գլուխները զարդարված են մետաղյա զանգաձև և բրոնզե հովհարանման զարդերով, երկար պոչներն հանգույց է արված:

Բոտու երկու ծալրերին պատկերված են ստատիկ փեճակում կանգնած առյուծներ, որոնք դասավորված են մեկը մյուսի վրա ուղղաձիգ փեճակում (նկ. № 4):

Գոտու առանձին շերտերի ֆիգուրներն ուղղված են տարբեր կողմեր: Երեք շերտերի վրա նրանք դնում են ձախից աջ, իսկ մյուս երկուսի վրա՝ հակառակ ուղղությամբ: Պատկերված կերպարանքները դասավորված են ուղիղ, գեղեցիկ շարքերով, այն հաշվով, որ կենդանիների կերպարանքները գտնվեն հեծյալների ու մարտականքերի միջև: Մի խոսքով որսի ողջ տեսարանը բաղկացած է հեծյալ գինվորների կերպարանքներից, մարտականքերից և հետապնդող գազաններից, որոնք դասավորված են մեկը մյուսի տակ, առանձին շերտերի վրա (աղ. № 4):



Նկ. 4. Գոտու վրա բանդակված առյուծներ



Աղյուսակ № 4. Ուրարտական քանդակագործ թրնդյա գոտի որսի տեսարանով, № 2 զամբարանից:

Այս պատկերների գծավորման տեխնիկան չի տարբերվում նրանից, որն օգտագործվել է հարուստ պատկերներ և ն.մ.թ. VIII դարի թագավորների սեպագիր արձանագրություններ կրող սաղավարտների, վահանների, կապարճների ձևավորման ժամանակ: Գոտու թիթեղը ձուլվում էր նախ անցկացնելով նրա վրա պատկերվող կերպարանքների կոպիտ կոնտուրը, այնուհետև արտաքին կողմից դրանք լրացուցիչ մշակման էին ենթարկվում հատիչով և քանդակադրոշմիչով, որոնք կերպարանքներին տալիս էին անհատական գծեր: Ըստ որում մարտակառքերը, հեծյալները, ձիերը և կենդանիները պատկերված են հին արևելյան, ասորական ոճով և կրկնում են ասորական բարձրաքանդակների մանրամասնություններն անգամ: Բայց այս ամենը դեռևս չի խոսում ուրարտական վարպետների կողմից ասորական կուլտուրայի հուշարձանները կուրորեն ընդօրինակելու օգտին: Այդպիսի տպավորություն կարելի է ստանալ Հին Արևելքի այդ երկու, տնտեսական և հասարակական զարգացման միևնույն աստիճանի վրա կանգնած հարևան և մրցակից պետությունների կուլտուրայի հուշարձանների և նյութական արտադրության նկատմամբ ձևական մոտեցում ունենալու դեպքում միայն:

Փոքր ինչ լուրջ ուսումնասիրության դեպքում այս հուշարձաններն ի հայտ են բերում շատ ավելի էական տարբերիչ հատկանիշներ, պայմանավորված լոկ ուրարտական կուլտուրային հատուկ ինքնատիպ գծերով: Մեր գոտու, ինչպես նաև ուրարտական կերպարվեստի բոլոր հայտնի հուշարձանների վրա, ներկայացված են միայն թեթև մարտակառքեր, երկուական զինվորով՝ աղեղնավորով և նիզակակիր հեծյալով: Մարտակառքի անձնակազմում բացակայում են վահանակիրները և մյուս զինվորները, մինչդեռ ասորական բարձրաքանդակների վրա հանդիպում են ծանր մարտակառքեր երեք-չորս զինվորներով (աղեղնավոր, նիզակակիր, կռուպան և զինակիր):

Ուշադրության արժանի է և մի այլ դետալ: Այս գոտու վրա պատկերված զինվորներից և ոչ մեկը մարտական վահան չունի, մինչդեռ ասորական բարձրաքանդակների և ուրարտական կուլտուրայի մյուս հուշարձանների վրա պատկերված հեծյալները կրում են նաև կլոր մարտական վահաններ: Խիստ ուշագրավ է այն, որ ասորական բարձրաքանդակների վրա պատկերված նետերն ունեն նորարեչյան գոտու վրա ներկայացվածներից բոլորովին տարբեր փետուրներ:

Կարելի է նշել ևս մի քանի տարբերիչ հանգամանքներ, սակայն, ասվածը միանգամայն համոզիչ կերպով ցույց է տալիս, որ Նոր-Արեշի դամբարանադաշտի գոտու պատկերների առանձնահատկությունները, որոնք աչքի են ընկնում ասորական կուլտուրայի համանման հուշարձանների հետ համադրելիս, ամենևին էլ քանդակողների պատահական թերացումները չեն, այլ պայմանավորված են ուրարտական հեծելազորի կառուցվածքով, որսի և մարտական գործողություններ վարելու կանոններով, ինչպես նաև գոյություն ունեցող ուրարտական սպառազինության տեսակներով:

Ուսումնասիրվող դամբարանում գտնված գոտու վրայի թագավորական որսի համառոտ պատկերը լրացնում են առաջին դամբարանում գտնված համանման գոտու բազմաթիվ ֆրագմենտները, որոնք աչքի են ընկնում մոտիվների հարստությամբ և զանազանությամբ, կատարման բարձր վարպետությամբ:

Այս գոտու ֆրագմենտների ծայրերին պահպանվել են անցքեր, գոտու թի-

թեղը փափուկ հիմքին ամրացնելու համար: Վերջավորութիւնները բաժանված են հինգ ուղղանկյուն վանդակների, որոնց մեջ ուղղահայաց ձևով տեղավորված են անհատական դիմագծերով օժտված առյուծների հրաշալի փորագրված ֆիգուրներ: Յուրաքանչյուր այդպիսի վանդակին համապատասխանում է մեկ հորիզոնական շերտ որոշակի մոտիվներով: Գոտին ունեցել է, այսպիսով, հինգ հորիզոնական շերտ, որոնցից ներքինը և վերինը լցված են ցուլերի ու առյուծների, հեծյալների և մարտականքերի ֆիգուրներով (աղ. № 5—6):

Ներքին շերտի առաջին բեկորի վրա պատկերված են փախչող վիրավոր ցուլ և սրածայր սաղավարտ ու փեշերին ծոպերիզ ունեցող երկար կափտան հաղած հեծյալ զինվոր: Նրա մեջքը զարդարում է լայն բրոնզե գոտի, երկար մագերթ թափվում են ուսերին, իսկ պարզած աջ ձեռքում նիզակ կա (աղ. № 6):


Երկրորդ համանման բեկորի վրա պահպանվել են պատկերված ձիու մարմնի մասերը և դուռը վնասված ցուլի ֆիգուրը:

Գոտու վերին շերտի երեք ֆրագմենտների վրա ներկայացված է մի քիչ այլ տեսարան: Նրանցից առաջինի վրա, նետով խոցված ցուլի հետևում նկատվում են մի զույգ ձիերի գլուխներ, որոնք ըստ երևույթին, լծված են մարտականքին (աղ. № 6): Երկրորդ բեկորի վրա պահպանվել են ցուլի ֆիգուր և առյուծի վեր ոլորած պոչ (աղ. № 6): Բացառիկ հետաքրքրություն է ներկայացնում երրորդ ֆրագմենտը, մասնակիորեն պահպանված երկու առյուծների պատկերներով: Նրանցից մեկը շրջվել և ճողոպրում է, մյուսը կանգնել է հետևի թաթերին և պատրաստվում է ամբողջ ուժով հարձակվել հակառակորդի վրա (աղ. № 6): Ամենայն հավանականությամբ, նրա առաջ պետք է գտնվեր ռարտական թագավորի կերպարը, քանի որ նման հերոսությունները Հին Արեւելքում վերագրվում էին գլխավորապես թագավորներին, որպեսզի հետագայում, քարի կամ բրոնզի վրա նրանք կարողանային փորագրել տալ իրենց սխրանքները, պատկերելով գազանին հետապնդելը, նրան ուժասպառ անելն ու սպանելը: Ուսումնասիրվող ֆրագմենտը համարյա չի տարբերվում ասորական այն բարձրաքանդակից, որը պատկերում է Աշուրբանիպալ թագավորի մենամարտը առյուծի հետ (նկ. № 5): Այս վերջինս կանգնած է հետևի թաթերի վրա, բաց է արել երախը և ատամները ցցած պատրաստվում է մեկ հարվածով վերջ տալ արքային: Անվիզով Աշուրբանիպալը գազանի կործան է խրոմ իր զորեղ զենքը, որն անցնում է նրա ամբողջ մարմնի միջով:


Այսպիսով, երկու շերտերից պահպանված աննշան ֆրագմենտները ներկայացնում են վայրի գազանների որսի կենդանի պատկերը. այն հիշեցնում է մի ամբողջ ճակատամարտ՝ մարտականքերի, հեծյալների ու հետևակի մասնակցությամբ, հատուկ ուղղահայան խորամանկության և տակտիկայի որոշակի կանոնների կիրառմամբ: Այս մարտը ղեկավարել է, անկասկած, ռարտական թագավորը:

Գոտու մյուս շերտերի պատկերը լրացնում են թագավորական որսի տեսարանը, նրան հանդիսավորություն են տալիս, արտացոլում են որսի հետ կապված արարողություններն ու ծեսերը:

Երկրորդ (ցածից) շերտի վրա պատկերված է թագավորական զնդի հանդիսավոր երթը, որը տվյալ դեպքում կազմված է հեծյալ զինվորներից և հետիոտն նիզակակիրներից ու աղեղնավորներից: Պահպանվել է հանդիսավոր երթով ընթացող ռարտական զինվորների 11 ֆիգուր՝ զգեստների, հանդերձանքի ու սպառազինման ողջ փայլով: Առջևից գնում են աղեղնավորները



Առյուսակ Պ Ծ. Պ 1 զամբարանում հայտնաբերված գուռու բեկորներ



Աղյուսակ № 6. № 3 դամբարանում հայտնաբերված զուտ քեկերներ

կարճ, փեշերին և գոտկատեղին ծուպերիզ ունեցող կաֆտաններով, որոնց մեջքներին լայն գոտի կա: Բարձրացրած ձախ ձեռքում նրանք բոլորը աղեղ ունեն բռնած: Աջ ձեռքը դրված է նետերով լի կապարճի վրա, որ կախված է աջ ուսից և իջնում է գոտկատեղից ցած (աղ. №ՆՊ 5—6): Այդպես են կրել Սարգոն թագավորի զենքը հանդիսավոր երթի ժամանակ նրա մերձավորները¹: Այդ աղեղնավորներն ունեն սրածայր սաղավարտներ, որոնց տակից թափվում են հրկար մազերը:



Նկ. 5. Ասորական ռելիեֆ Աշուրբանիպալը որսի ժամանակ:

Աղեղնավորների հետևից գալիս են նիզակակիրները, նույնպիսի սաղավարտներով ու ծուպերիզով զարդարված հագուստներով, զինված, երկար նիզակներով ու կլոր վահաններով, որ կրում են աջ ուսին: Այնուհետև գալիս են հեծյալ զինվորները երկար կաֆտաններով և սաղավարտներով, զինված ճիշտ այնպես, ինչպես հետիոտն նիզակակիրները: Նրանց ձիերի արդուզարդն ավելի հարուստ է, քան առաջին գոտու վրա պատկերվածներինը: Նրանք կրում են զարդարված ծածկոցներ՝ կուրծքը, վիզը և փորի առջևի մասը պաշտպանելու համար: Գլուխներին ունեն դանազան դանդակաձև ու հովհարաձև զարդարանքներ: Պոչերին հանգույց է արված:

Այսպես էր ընթանում ուրարտական թագավորական զույգը՝ բաղկացած թագավորի մերձավորներից, ազգականներից և վաստակավոր հրամանատարներից ու զինվորներից, արքայական մարտակառքի առաջնորդվյալով, որը չի պահպանվել մեր գոտու վրա: Սինաքերիբի ժամանակի մի բարձրաքանդակի վրա (Բրիտանական թանգարան) պատկերված է արքայական զույգը հանդիսավոր երթի ժամանակ, այն շատ է հիշեցնում նորարեչյան գոտու տեսարանը: Արքայական մարտակառքին լծված են մի զույգ ուժեղ ձիեր, նրանք ունեն ծածկոց և թևեր լծասարք, ինչպիսիք պատկերված են ուսումնասիրվող

¹ St' u Botta, Flandin, Monument de Ninive, I, աղ. XIII, II աղ. 103 և 117:

ուրարտական գոտու վրա: Տոնական մարտականքի վրա կանգնած են Սինա-
քերիբը, կառապանը և ներքինին: Մարտականքի վրա կա գործվածքն լայն հո-
վանոց, իսկ մյուս մարտականքի հետևից գալիս են հետիոտն նիզակակիրների
ու աղեղնավորների մի ջոկատ և հեծյալ զինվորներ, նույն կարգով, ինչ որ
ուրարտացիները (նկ. № 6): Այս զինվորների հանդերձանքը, զոհաստավորումը
և սպառազինումը մոտ են նորարեշյան գոտու վրա պատկերվածներին, թերևս
այն տարբերությամբ միայն, որ ասուրական զինվորների սրածայր սաղա-



Նկ. 6. Սինաքերիբ թագավորի գունդը:

վարտներն ունեն և սկանչակալներ, իսկ կարճ կաֆուսների վրայից նրանք կրում
են մետաղյա թեփուկներով ծածկված ծանր զրահ, ինչպիսիք քանիցս հայտնա-
բերվել են ուրարտական Թեյշեբաինի քաղաքի միջնաբերդի շինություններում:

Իժվար չէ պատկերացնել ուրարտական արքայական գնդի հանգիսավոր
երթը նեղ փողոցի երկայնքով ձգվող պատերի մեջ սեղմված և նրա մարտական
կարող բաց տարածության վրա: Նման ջոկատներն ահեղ ուժ էին ներկայաց-
նում ոչ միայն որսի ժամանակ, այլև ռազմի դաշտում: Նորարեշյան ուրարտա-
կան դամբարանադաշտի բրոնզե գոտիների վրա ցույց են տրված ուրարտա-
կան զորքի համարյա բոլոր տեսակների ներկայացուցիչները: Մանր հետևա-
կազորի ներկայացուցիչներն էին հանդիսանում նիզակով ու վահանով զինված
ռազմիկները: Նրանք մեծ դեր էին խաղում պաշտպանության մեջ: Աղեղնավոր-
ները և, հավանական է, պարսատիկավորները կատարում էին գլխավոր դերը
հարձակման ժամանակ: Հետևակի այս երկու ձևը միաձուլվ էին:

Նման կառուցվածք ունեն և մարտական հեծելազորը, որը բաղկացած էր
հեծյալներից և մարտականքներից: Մարտականքի վրա տեղավորվում էին
աղեղնավորը և նիզակով զինված ձիավորը: Հեծյալ զինվորները սպառազին-
ված էին ծանր հետևակի նման:

Երրորդ (դածից) շերտի վրա պատկերված է եղել, ըստ երևույթին, զոհա-
բերության տեսարան (աղ. № 6): Ասուրական նյութերից մեծք լավ գիտենք, որ

որսի ժամանակ սպանված կենդանիները նվիրարեցվում էին ասուրական աստվածներին: Զոհաբերությունը կատարվում էր հանդիսավոր պայմաններում, զինվորների, ծառաների, երաժիշտների և այլոց ներկայությամբ: Նմանօրինակ տեսարան պատկերված է Աշուրբանիպալի բարձրաքանդակի վրա, որի շերտերի բաժանումը կատարված է նորարեշյան կոլումբարիի գոտիների սկզբունքով: Հիշյալ բարձրաքանդակի վերին շերտի վրա պատկերված է Աշուրբանիպալի մեծամարտը ծառս եղած առյուծի հետ, որ ներկայացված է և մեր գոտու վրա: Այս և մյուս բարձրաքանդակների վրա եղած զոհաբերության տեսարանների հետ պատկերվում են սրբազան ծառեր և թևավոր աստվածներ:



Նկ. 7. Ասուրական ռելիեֆ

Ուսումնասիրվող նորարեշյան գոտու մի շերտի վրա պահպանվել են ֆանտաստիկ կենդանիների ֆիգուրներ և սրբազան ծառեր: Ամենամեծ ֆրագմենտը պարունակում է սովորական ուրարտական տիպի երկու ոճավորված սրբազան ծառերի պատկեր դեպի վեր ուղղված պտուղներով, որպիսիք լայն կիրառում են գտել Մերձուրմյան շրջանից մինչև Մերձդնեպրյան շրջանը, ներառյալ Անդրկովկասն ու Հյուսիսային Կովկասը: Առաջին ծառի մոտ կանգնած են ֆանտաստիկ կենդանիներ՝ թևավոր առյուծներ ձկան պոչով և գիշատիչ թռչունի գլխով (աղ. № 6): Հին արևելյան արվեստի հուշարձանները հարուստ են նման պատկերներով: Նրանք հանդիպում են ասուրական պալատների սքանչելի բարձրաքանդակների (նկ. № 7)¹, իրանական Քուրդիստանի Սակկիզի գանձի մանենեական ոճով պատրաստված ոսկե իրերի վրա (նկ. № 8), սկյութական դաշույնների ոսկե պատյանների վրա՝ Կելերմեսի ու Լիտոյ կուրգաններից և, վերջապես, ուրարտական կիրառական արվեստի նյութերի մեջ (նկ. № 9): Բոլոր այս պատկերներին բնորոշ են միանման դետալներ, իսկ նրանց էությունը կայանում է կենդանիների տարբեր մասերից մի ֆիգուր կազմելու մեջ: Նման պատկերների տարածման աղբյուր էր հանդիսանում Ասորեստանի հետ միասին նաև Ուրարտուն, որտեղ այս պատկերները լրիվ կերպով պահպանել են իրենց իմաստային նշանակությունը և որտեղից նրանք թափանցել են հյուսիս, հյուսիս-արևմուտք և հյուսիս-արևելք: Կարմիր-բլուրից այժմ հայտնի են երկու բրոնզե գոտի ուրարտական պանթեոնի գլխավոր աստվածների՝ Խալդիի, Թեյշեբայիիի և մյուսների սքանչելի պատկերներով, նորարեշյան գոտու վրա ներկայացվածների տիպի ֆանտաստիկ կենդանիների և միանգամայն ոճա-

¹ Perrot, Chipiez, Նշվ. աշխ., էջ 583, նկ. 280:



Նկ. 8. Սակկիդի սակյա վզնոցի մի գեղարվեստական զարդանշանը:



Նկ. 9. Կարմիր-բլուրում հայտնաբերված բրոնզե դեմքի:

վորված սրբազան ծառերի հետ միասին: Ֆանտաստիկ կենդանիների այդպիսի ֆիգուրներ ուրարտական վարպետները կտրել են նաև ոսկորից:

Վերը մենք նշեցինք, որ ասուրա-ուրարտական կուլտուրայի փոխհարաբերությունները պայմանավորված են եղել արդևրկրների կուլտուր-տնտեսական զարգացման միևնույն մակարդակով: Մյուս հարևան շրջանների մասին այդ նույնն ասել չի կարելի: Ուրարտուի հնագիտությանը վերաբերող գրական-Տեղեկագիր 10—6

նության մեջ քանիցս նշվել է, որ Լիտույ և Կելերմեայան կուրգանների սկյութական իրերի վրա եղած հին արևելյան պատկերները կորցրել են իրենց իմաստային նշանակությունը և վերածվել օրնամենտալ մոտիվների, իսկ Սակկիզի-յանձի առարկաների մի մասը գուգակցում է իր մեջ հին արևելյան ոճը սկյութականի հետ: Սա ցույց է տալիս, որ նշված ցեղերը գտնվում էին ավելի ցածր կուլտուրական մակարդակի վրա և համապատասխան ժողովուրդների դադափարախոսության ու կրոնի հետ սերտորեն կապված հին արևելյան սյուժեները նրանց կողմից վերարտադրվել են մեխանիկորեն, այն էլ ոչ թե ուղղակի ճանապարհով, այլ Ուրարտուի միջոցով, քանի որ նշած ժամանակաշրջանում (VIII—VII դդ. ն. մ. թ.) «սկյութները սերտորեն կապված էին Հայաստանի ուրարտական վարչական կենտրոնների հետ»¹: Նոր-Արեշի ուրարտական դամբարանադաշտից գտնված իրերը լրացնում են նախկին հետազոտությունները և ավելի են ընդգծում այն նշանակությունը, որ ունեցել է Ուրարտուի կուլտուրան ն. մ. թ. 1-ին հազարամյակում Մերձուրմյան շրջաններում, Անդրկովկասում, Հյուսիսային Կովկասում ու Մերձդնեպրյան շրջաններում ապրող բնիկ ցեղերի նյութական արտադրության զարգացման մեջ: Ուսումնասիրվող գոտու մյուս ֆրագմենտների վրայի թևավոր աստվածների պատկերներն իրենց անալոգիաներն ունեն ասուրական և ուրմիական նյութերում: Այդ բեկորներից մեկի վրա ներկայացված է սրբազան ծառի առաջ կանգնած թևավոր առյուծ կանացի տորսով (աղ. № 6): Համանման ֆիգուր պատկերված է Սակկիզի գանձի ոսկե վզնոցի վրա (նկ. № 10), ինչպես նաև Աշուրբանիպաի ժամանակաշրջանի մի րարձրաքանդակի վրա (նկ. № 11): Հիշված տիպի թևավոր աստվածության ոսկրյա ֆիգուր գտնվել է Կարմիր-Բլուրի պեղումների ժամանակ 1955 թվականին: Հին արևելյան քաղաքակիրթ շրջանների հետ Ուրարտուի ունեցած կապերն անկասկած եղել են ավելի քան լայն և նոր հայտնաբերվող հուշարձանների հետագա ուսումնասիրության ընթացքում հնարավորություն կներկայանա բացատրել օտար միջավայրի մեջ հին արևելյան կուլտուրայի ներթափանցման ավելի կոնկրետ ճանապարհը: Նոր-Արեշի ուրարտական դամբարանադաշտի նյութերը փայլուն կերպով իլյուստրացիայի են ենթարկում Ուրարտուի, որպես հին արևելյան կուլտուրան տարածողի դերը, նրա հսկայական ազդեցությունը հարևան ցեղերի կուլտուրայի վրա, ցեղեր, որոնք գտնվում էին նախնադարյան համայնական կարգերի քայքայման և Անդրկովկասի նոր ժողովուրդների ձևավորման աստիճանում, որոնց կուլտուրան կարող էր շարունակել իր զարգացումը հին արևելյան, ուրարտական կուլտուրայի հիման վրա: Ուրարտական պետության կյանքի տարբեր կողմերը լուսաբանող գրավոր աղբյուրների բացակայության պայմաններում Նոր-Արեշի դամբարանների պեղումները հանդիսացան սկզբնաղբյուր ուրարտական նվաճողների կյանքի առանձին մոմենտները և թաղման ժեսը ուսումնասիրելու համար: Մեր բրոնզե գոտիների բարձրարվեստ պատկերները լավագույն ձևով իլյուստրացիայի են ենթարկում ուրարտական տիրակալների և բարձրաստիճան պաշտոնյաների կենցաղը, որոնք արշավանքներից ազատ պահին զվարճանում էին որսով: Պարզ է, այդ վավառությունն այնքան էլ էժան բավականություն չէր: Պետք է ենթադրել, որ արքայական մարտական ջոկատի հետևից գալիս են եղել ծառաներ՝ շների ոհ-

¹ Б. Б. Пиотровский, н. ղ. աշխ., էջ 150, 152:



Նկ. 10. Մակկիդի ոսկյա իրերից մեկի դետալ:



Նկ. 11. Ասուրական բարձրաքանդակ:

մականերով, ուտելիղենով բարձված գրաստներ, ինչպես այդ եղել է Ասորեստանում:

Հնարավոր է, որ վալրի գազանների համար պատրաստվել են փարախներ, որ նրանց կերակրելու նպատակով պահվել են մանր անասունների հոտեր: Նոր-Արեշի ուրարտական դամբարանադաշտի պեղումներից հետո պարզվում է, որ վալրի գազանների որսն ուղեկցվել է զոհաբերության ու հեղման ծեսերով և ավարտվել է բրոնզե իրերի վրա ուրարտական թագավորների նոր հերոսութունները պատկերելով: Դրանց հավանաբար կցվել են ուրարտական թագա-

վորների «քաջագործությունները» սերունդներին պատմող արձանագրություններ:

Նման պատկերներ հայտնաբերված են այսօր ուրարտական պետության ներկայացուցիչներին պատկանած նորարեշյան լրոնդե գոտիների վրա: Մոտ ապագայում այդպիսիք կհայտնաբերվեն, անկասկած, Հայաստանի ուրարտական բերդերի պատերի վրայի ֆրեսկաների ձևով, որոնց ուսումնասիրությունը օրակարգի հարց է դառել: Համենայն դեպս, ուսական հնագիտական արշավախմբի Արևմտյան Հայաստանում կատարած աշխատանքների ժամանակ, Հ. Ա. Օրբելուն հաջողվել է հայտնաբերել ուրարտական պալատի երեսապատման մարմարե սալաքարեր ֆանտաստիկ կենդանիների պատկերների ֆրագմենտներով, նման նորարեշյան գոտիների վրա ներկայացվածներին:

Չնայած ամրոցներում և, մասնավորապես, Կարմիր-բլուրի միջնաբերդի շինություններում գտնված ուրարտական հնագիտական նյութերի առատությանը, ուրարտական դամբարանների պեղումներն, այնուամենայնիվ, տալիս են յուրատեսակ նյութ, որը զգալի չափով լրացնում է մեր գիտելիքները Ուրարտուի կուլտուրայի մասին: Սրանից հետևում է, որ ուրարտական բերդերի ուսումնասիրման հետ մեկտեղ մենք պետք է ուսումնասիրենք նաև նրանց հետ կապված դամբարանադաշտերը, որոնք հանդիսանում են վաղ հայկական կուլտուրայի զարգացման համար ամուր հիմք ստեղծած ուրարտացիների հոգևոր կյանքի համար վկաներ: